

四庫全書

集部

欽定四庫全書

文苑英華卷六百三十三 宋 李昉等 編

謝恩六

謝賜衣服狀五首 謝賜春衣狀六首

謝賜冬衣狀七首 謝賜馬狀八首

謝賀集作侍講遍賜衣物狀 張九齡

右高力士至宣稱陛下親講讀毛詩遍賜侍講陳希列
三品兼賜衣物等伏以睿思玄通超然物表俯臨天下

必樹風化既弘儒教考覈詩人爰託師資親行講讀章
句初畢賞賜集作錫有加明主深恩集作用心誰孰集作孰不知勸

臣謬承任遇實愧經通聖業彌深微誠何補方思數學
以助皇明集作明時無任悅豫之至

謝賜衣服及絹狀

右中使某至特蒙恩曲賜遠別之什又中使某宣口勅
賜衣一副并絹一百疋者但柱礎雖下感致於青雲陽
燧則微昭應於白日在臣孤賤亦荷寵光伏惟陛下御

札龍躍八體比之未雄天文鳳章五色對之猶淺況束
帛荐至衣服仍臻施重丘山恩深江海實為九族遍有
光華匪唯賤陋獨稱榮慶不任云云

謝賜衣物狀

右高力士宣勅賜臣衣及器物等臣九齡不孝苟存企
及禮制天恩以忝樞近賜問再臨衣服珍器殊常寵錫
臣有何力可以叨濫渥澤至深誠效已竭唯有微命不
知所圖無任感戴惶悚之至

卷之三十三
為盧監被盜衣物謝賜御衣物狀

蘇頤

內常侍趙元亨奉宣恩旨以臣被竊盜失物賜臣衣一副臣素以慢藏闕於周備令尹為過尚不可逃太丘有言復不能覺使臣知政未息盜於桂蒲加臣匪服遂增耀於樗櫟顧深憊咎翻荷恩慈捧戴循環再三惶懼無任下情之至

謝恩賜衣服狀

白居易

右今日守謙奉宣聖旨以臣初入院特賜衣服者臣自入禁司纔經旬月未申集作陳薄効累受殊私况前件衣

朕等獻自遠方降從御府既鮮華而駭目亦輕煖而便身臣實何人堪此榮賜必擬秘藏篋笥傳示孫子何則顧陋質而懷慙貌非稱服撫微軀而荷寵力不勝衣因物感恩無任愧懼謹奉狀

謝恩賜春衣狀

崔行先

右中使某至伏奉勅書手詔宣慰臣及將士等兼賜臣

春衣等鴻恩濡澤忽降轅門霧縠冰紈猥加介胄臣等
謬膺委使徒展寸誠曾無逐獸之功每懼伐檀之刺捧
受祇慄不知所裁仰戴恩光將何上答彌憂不稱其服
益用內愧於心無任云云

二

右中使某至伏奉勅書手詔宣慰臣及將吏等又賜前
件春衣臣等駕駘賤品介胄匹夫未彰塵露之功游及
雲雷之澤喜抃兢惕然失圖捧戴恩私不知所據以

御府紈素耀晴景於三春天宮蘭麝襲回風於十步豈
土水之質被服所宜雖灰粉其身上答何極無任云

同前

于邵

右今月某日中使某至伏奉勅書手詔慰諭臣及三軍
等并賜臣及大將春衣者捧戴抃躍實增慙懼臣功効
微淺寵遇日深霜露適濡恩已承於挾纊清明纔度賜
又及於解衣仰服用於公家罷裁縫於私室已頒分大
將訖各盡殮戎之力用申報國之誠

同前

常袞

右今月五日監軍某乙差行營十將某乙送正月十二
日書詔并賜臣衣三副軍將二人衣二副跪伏捧承惶
悚隕越臣素以愚懦昧於吏能虛受寵私豈堪任使謬
承條察吏法非明忝司訓練戎行不肅今之曠職獨有
微臣宜懲冒榮以勵分鎮豈謂特廻聖睞俯示天書曲
降宸慈載加墨詔下頒春服遠被時恩獎飾逾涯兢惶
失次載光師旅仍錫偏裨誓以捐軀期於上報無任慶

抃悚踴之至

謝賜春衣牙尺狀二首為人作令狐楚

右中使某至伏奉詔書宣賜前件物臣伏以衣服者身
之文章尺寸者王之律度被於四體不襄則災考以二
分無差為貴伏惟皇帝陛下陶蒸萬類軌物兆人每及
新春皆頒上賞其或才堪國用智代天工福至而驚名
成猶懼循省涯分比數藝能臣實無任累承斯寵曳紫
光於腰下稱佩黃金操素質於掌中如持白璧窺看耀

日舉止生風誠聖主全覆育之仁顧微臣無秉持之力
蒙恩過厚忍愧逾深終申一寸之功用答九重之賜欣
榮感惕不勝自任云云

二

右中使駱元榮至伏奉勅書手詔慰問臣等并賜臣春
衣二副牙尺一枝軍將衣二十副者臣伏以行慶于下
惟德所廣受賞于上無功則難臣實何人叨居重任履
冰非懼食榮為甘今者伏蒙陛下推漢后解衣之恩寵

錫春服稽有虞審度之典榮頌象尺樂官考正無累委
之差女御裁縫有奪朱之麗而況端平皎潔無慙七寶
輕盈絢綺不謝六銖此臣所以捧觀而似覩鈞衡服拜
而如生羽翼謹便分散諸將傳示衆人感戴欣抃歡與
臣同一作感戴欣
歡與臣同日所守有限不獲拜謝無任欣躍一作
之至

謝賜冬衣表

權德輿

此表移在五百九十三卷表門今存其目

謝賜冬衣狀三首為人作

令狐楚

右中使宋文璗至伏奉勅書手詔慰問臣及將士等并宣恩旨賜臣等前件冬衣者臣伏以爪牙之寄才實甚難衣裳之賜恩為至厚臣之氣質無所任用誠不足以膺重寄而蒙厚恩今陛下陶以大和蓋其多闕及戒寒之月屬授衣之時喻一作倫比賢能頒宣慈惠跪聽清問欽承寵章宛是蠶綿爛如獸錦長皆被土貴實兼金分列校不辨鮮華在微臣最為重疊自承天澤不憚風威

仰戴恩光有千鈞之重俯循功績無一縷之微空知竭誠難以勝德謹並捧受分給訖所守有限不獲陳謝無任感慶屏營之至

二

右中使某至伏奉勅書手詔慰問臣及將士兼宣恩旨賜臣等前件冬衣者伏以綸綺之言出於天澤衣裳之受必以王功臣職在總戎任當平寇効無絲髮非聖主而豈容施若丘山在愚臣而將壓今者司寒肇至命服

載新降自九霄來經千里錯鳥章於襟帶奮龍文於素
牋兼并縟麗備極環奇木石之姿過蒙鮮飾冰霜之氣
頓減嚴凝曳婁而賤質生光憤悱而懦心增勇終期薄
効用答深恩謹準勅受兼分給諸將訖所守有限不獲
陳謝無任感戴之至

三

右中使吳千金至伏奉勅書手詔慰問臣及將士等并
宣恩旨賜臣冬衣兩副及諸將衣二十副者臣守國之

藩荷天之寵名聲績用未有可稱伏惟皇帝陛下仁育
四方澤均羣動當玄律開冬之候念祁寒用事之初書
詔文飛衣裘疊至墨盡龍蛇之妙綾兼龜鶴之奇服翫
而衰殘有光拊循而辱懦增氣自臣而下萬口一聲臣
並準勅分配訖不勝歡抃愧戀之至

為榮陽公謝賜冬衣狀

李商隱

右中使某至奉宣恩旨賜臣冬衣一副大將衣四副兼
賜臣手詔一通者八行帝語宵降於重宵一襲天衣俯

迴於窮節臣當時準詔給散訖臣叨蒙重寄適控遐陬
地雖五鎮之衝氣得四時之正每玄冥應律顓頊司辰
當二日之鑿冰則殊幽英華作幽野及兩楹之飛雪無異朔

山重以寶布少溫蠻綿乏暖方求麗密以禦嚴凝豈望

司服頒衣貴臣傳詔綾裁飛鵠絮集作素襄仙蠶白分椒

壁之光紫奪蘭牙之色已均下將仍逮連營晏子狐裘

故獎何一作舊飾故彰於國儉王恭鶴氅風流不自於君恩

被服有輝負戴無力謹當上宣殊渥下拊多寒均大裙

於瑯琊變無襦於蜀郡粗令康泰以塞貪叨臣與大將等無任望闕感恩抃舞屏營之至

為濮陽公涇源謝冬衣狀

右某月日中使某至奉宣聖旨賜臣及大將兼諸鎮防秋兵馬等前件勅書手詔并冬衣者臣並已準詔旨宣示給散訖恩極鮮衣榮加降璽戴山未重負日非暄臣謬領藩垣適當戎狄唯憑廟筭粗展集作軍威絕漠集作塞獵迴幸無警急高烽火過但報平安直以地勢多陰

川形稍背三伏常聞於屏簾九秋尋訝於垂繒代馬蹠嘶隴山無葉燕鴻未過涇水先冰是以每降王臣仍迂御筆緘封垂露寵錫禦冬非玉女裁成即仙人織出徒驚在笥莫匪覩集作覩因針始顧尋微深懼不勝冠帶旋蒙

被服便如能執干戈遍逮軍前歷靄麾下達喜氣而陳根復秀動歡聲而蟄戶潛開華楚成行曳妻塞路其山南宣歛三道大將等雖久居炎燠不憤嚴凝亦既更衣皆忘易地賈餘勇而例思盡敵感鴻私而咸願殺身各

限征行不獲陳謝臣與大將等無任瞻天戀闕感恩屏
營之至

謝賜冬衣狀二首

張次宗

右伏以玄律戒時祁寒應候玉人傳詔御府頒衣伏惟
皇帝陛下盛德御天至仁育物每念藩方之任屢加寵
錫之恩臣績効未施塵忝茲久捧溫密之詔喜若朝天
被輕纖之衣暖同就日況撫寒之間下及師人錫服之
榮遍周戎校喜氣乍傳於封部陽和先及於荆衡爭馳

戀闕之誠各勵酬恩之至云云

二

右中使劉泰伸至伏奉勅書手詔宣慰臣及將吏僧道百姓等并賜臣手詔及冬衣兩副大將衣十副者清風戒寒玄律將至未及嚴凝之候已霑輕煖之衣承寵命而載慙啟緘封而增感伏惟皇帝陛下至德御時深仁育物光武十行之詔每覩憂勤魏后五時之衣未為寵錫况臣叨榮漸久受賜彌多寒暄之節候驟移新舊之

光華相委被服悉頒於御府裁縫僅度於私家挾纊之恩已周於列校維鶴之刺尤媿於微躬無任云云

謝賜馬狀

張九齡

右今日高力士奉宣聖旨賜臣紫駒馬一疋伏以恩覃不次寵遇非常有忝股肱之臣頻奉渥洼之賜況郊壇展禮尚未奠於九宮而雨露深恩反有叨於三接雖鳴珂噴玉朝天永代於臣勞而任重才微久歲寧酌於聖造荷負無力答効何階云云

謝借馬狀

孔 穢

右中使至奉宣進止將前件馬送臣至京兆路界祗承寵光載兢載惕微臣猥以庸瑣謬分憂寄拜命之日已受賜於龍媒遵路之時復假榮於天驥恩私稠疊渥澤殊常豈謂聖意不遺獨懷軫念輒驛騎於內廄騁逸步於長衢驅馳忘勞服習如志誓當夙駕奔走所部冀安夷獠以免聖憂無任感恩懇欵之至

謝借飛龍馬二疋狀

鄭 紗

右中使某至奉勅旨借臣前件馬至京兆府界者王人
在門天驥臨路寵光荐及行色增輝上感恩私何階答
効自臣叨承戎寄累軫皇慈念輸力於外藩降逸才於
內庭分憂未醉於聖主代勞已及於微臣雖駿鈍莫施
而疲羸頓解再馳猶勤於遠道三接已及於帝畿即以
某日至京兆府界廻瞻魏闕目斷白雲祇事正程指期
丹激無任感戀之至

謝借馬狀

于邵

右今日中使某至以臣朝奏闕廷特借前件馬拜受殊深不任驚懼伏以詔傳中貴馬出內閑恩光自降於九重前疑作剪節不關於衆口無功無効以懼以慙遂躡權奇方遺欵段瞻天心喜已馳捧日之誠向闕身輕更遇奔星之足仰丘山而轉重知報効以何階

謝賜馬狀

常袞

右中使某奉宣恩旨賜臣前件馬臣竊位台司已招官謗未申薄効遽沐殊私捧荷驚惶心魂震越上慙慈睞

下愧周行素無遠致疑作致遠之資益懼負乘之咎無任感戴之至

為趙相公謝馬狀

齊映

中使某至奉宣進止賜臣馬一足并鞍轡者臣官叩上司日荷厚俸固其乘馬足展驅馳宸曉過深聖慈猶軫猥出上駟特賚微臣豈徒體合鑄金法相皆備而乃足符歷塊驥德是稱仍束以銀鞍絡以金轡顧自微賤何可服乘拜命驚惶不勝戰汗當攬轡之際思六合於如

琴執鞭之辰度三代之得策空懷夙夜寧効涓塵無任
感激之至

為段相公謝借飛龍馬狀

白居易

伏以出從內廄行及中途假飛龍之駿駒代跛鼈之蹇
步執鞭拜命借馬喻身取其戀主之心以表為臣之節
恩深易感情懇難陳竦踴之誠倍百羣品

為中丞滎陽公謝借飛龍馬送至府界狀

李商隱

右中使某奉宣恩旨以臣赴任特借飛龍馬一兩

集作足

并鞭轡等送至京兆府界者臣謬奉恩榮出叨廉問豈期蹇步深軫皇慈特命內臣俾騰上駟梁懸蜀鐙几覆吳鞍每多曳練之疑不假着鞭之力倏踰秦甸將復周閑照地迴光瞻天送影長亭欲別未期東道而來雙蹠儻嘶願附北風之思無任感恩戀闕雪涕屏營之至

文苑英華卷六百三十三

欽定四庫全書

文苑英華卷六百三十四

宋 李昉等 編

謝恩七

謝賜宅狀二首

謝賜內園花藥狀一首

謝賜冰狀一首

謝賜弓箭狀一首

謝為宰相賜吐蕃信物狀一首

讓勅賜蕃口狀一首 謝賜毯價絹狀一首

謝賜尺詩狀一首

謝賜撰鄭夫人碑羅絹狀一首

謝賜宣行哀冊文狀一首

謝令撰田弘正碑文狀一首

謝許受韋丹送撰碑綵絹狀一首

集賢謝示道經狀一首

謝御書大通禪師碑額狀一首

謝賜寺額狀三首

為五臺僧謝賜袈裟狀二首

為薛岌謝賜宅狀

于邵

右件宅先賜臣亡弟嵩比緣空閑臣遂權住某月日中使某至奉宣進止轉以賜臣并勅所司改給公驗臣素空行藝久遭扞脇疑作汗脇陛下特存要領更齒班榮以非常之恩以超等之賜自典環列職在警巡歲月徒深消塵罕錄豈謂叨承後命曲被殊私賜以廕庇之地永為子孫之業生輕施重內省知慙捐軀報德實臣志願無任感戴

代謝賜未崇宅并賜酒食錦綵器物等狀

右今日中使某至伏奉恩旨令臣移入所賜宅并賜前
件者慈旨曲降驚抃難容臣以微生幸逢休運上公政
本既荷殊私治第頒田特超恒數且居爽塏又賜歡娛
芳膳出於天厨喜疑作嘉賓傾於朝彥金石諧座珍奇爛

庭况棟宇輪囷近加朽墮林塘秘邃潛蓄清涼素以衡
茅特驚弘敞周復既增於魂悸昞昧殊覺於心慙臣實
何人遘茲多幸飲恩知愧受賜輕生誓將灰粉百身償

國家之恩遇拂磨一劒弭一作珍 呂醜於邊疆區區寸誠
仰答萬一不任戴荷之至

謝內園果栽并令府縣供花藥狀

疑是代郭子儀作

右臣得男曜狀稱伏奉聖旨緣臣莊栽時賜內園果樹
又令府縣與竹及同栽花藥等今月十日仍令開府魚
朝恩已下到莊檢校者謬承大眷累沐恩私事有至微
亦關聖慮顧唯別業封植未成特降明命賜臣甘木移
根上苑擢秀中園發輝池館之勝實荷生成之力侍臣

中貴接武員來虛落生光里閣增慶況內園所賜品類
已多府縣更供竊憂煩擾在臣諸已先有不敢重此勞
人望停府縣所供曲遂微臣至願無任云云

謝賜冰狀

白居易

右今日奉宣聖旨賜臣等冰者伏以頒冰之儀朝廷盛
典以其非常之物用表特異之恩况春羔之薦時始因
風出當夏蟲之疑日忽自天來煩暑迎銷清涼集作颺隨
至受此殊賜臣何以堪欣駭慙惶若無所措但飲之慄

慄常傾受命之心捧之兢兢永懷履薄之戒以斯惕勵

用答皇恩

集作茲

謹奉狀陳謝以聞

代人作昭應獵謝賜弓箭狀 于 邶

右中使某至伏蒙賜前件弓箭跪捧殊私抃躍無地伏
以形弓出輶利鏃離方月滿星流皆承御物摧剛服猛
便假天威慙無矯控之能庶盡追擒之狀無任云云
為宰相臣謝恩賜吐蕃信物銀器錦綵等狀

白居易

右臣等才愧庸虛職叨輔弼遇天下削平之日當西戎即叙之時遂使殊方致茲遠物此皆率由玄化感慕皇風人臣既絕外交問遺敢為集作言已有今蒙重賜益荷聖慈況來自外夷知德廣之所及降從中肯仰恩深而不勝感戴悚惶倍萬恒品

讓勅賜蕃口狀

此是讓狀英
華誤編于此

張九齡

右高力士宣聖恩賜臣等蕃口執訊自邊釋囚為隸誠宜供國次及賞功臣等無庸以何集作何以受賜殊恩俯逮

集作
降

循涯自失伏望俯停渥澤存以至公矜遂懇誠許

歸官寺則上有無偏之道下無苟得之責無任悃欵之

至

謝賜綵價絹狀

令狐楚

右監軍使李輔光迴奉宣恩旨賜臣前件絹者臣當道比年未豐經費不足懼乏供億慙無智能陛下散燭幽之光垂逮下之德絲綸既出縑帛員來數至累千價盈巨萬廣狹中量鮮明如水足以贍三軍之賜予充百工

之簾廩捧受欣抃不知所裁無任云云

謝賜尺詩狀

張九齡

右今日高力士宣勅賜臣等御製詩并寶尺伏以尺者
紀度之數宜麗天文詩者律呂之和是生節物聖恩下
逮天旨旁流因物寓言以言垂象臣雖瞽陋伏見宸衷
竊謝良工徒秉刀尺終期死力取配鈞衡而未副所圖
退省知罪臣等不勝負荷感懼之至

謝賜撰鄭國夫人碑羅絹狀

張說

右內侍尹鳳祥宣口勅得所進鬪羊表及鄭國夫人碑
令賜卿綵羅二十疋絹一千疋鬪羊薄伎恩感戰士之
心雕蟲陋詞媿稱賢母之德効輕賞重戴厚慙深臣子
之情豈望天報

謝宣行哀冊文狀

令狐楚

右臣先準勅撰成封進訖奉某月日勅旨敬依典禮不
任號慕者伏以範天地之大者難為狀鐫金石之堅者
難為工况先皇之武烈文明迥超前古而微臣之瞽言

惜學不及中人顧惟庸虛謬獲紀述叨蒙恩獎特賜宣行竊文士之名誠有慙色彰聖人之德實荷經綸云云

謝準朱書撰田弘正碑文狀 元 積

魏博節度使李翹請與田弘正立德政碑右臣伏準集作

奉今月二十四日勅令臣撰前件碑文伏以田弘正首
變魏俗彰先帝之睿謀近入鎮州宣陛下之神武積成
忠懇大有勲勞人懷去思願刻金石陛下所宜外詔台
席內委翰林妙選雄文式揚不績豈謂天光曲照御札

特書猥付微臣實非常例且臣頃以特恩拔擢便欲効
死仰酬遂竭愚誠累蒙召對自去年九月以後橫遭謗
毀無由集作因再覩天顏分隨枯朽而凋永絕恩波之望

豈料聖慈長在記憶姓名無人奏請撰碑便自宸衷宣

付微臣忝非木石粗有肺腸

集作肝

空懷感激涕集作淚之心

未獲殺身之所無任感恩思報鏤骨銘肌之至

謝許受江西送撰韋丹碑綵絹等狀

杜牧

右今月十六集作九日中某至奉宣聖旨令臣領受江西

觀察使訖于衆所寄撰韋丹遺愛碑文人事綵絹共三百疋恩隨幸至榮與利并抃躍慙惶罔知所措伏惟皇帝陛下皇天縱聖赫日資明大獎功勞不計存歿舉韋丹江西之績特令微臣撰碑墮淚之恩豈慙羊祜黃絹之妙實愧蔡邕今者更蒙恩私廣受綵帛捧戴兢惕無地容身不勝感恩慙惶之至

集賢院謝示道經狀

張說

右臣伏見聖札金字八分寫道經兩卷以為惠文太子
三七追福天毫發彩宸翰騰輝色麗風雲光逾日月伏
惟陛下孝悌之至通於神明俯念天倫用資幽贊當茲
炎暑服此勤勞事絕古今感深名教臣忝司舊職載考
前王未有親親之至楷隸之美如此之備也足以作則
貽範垂之無窮伏望宣付史館以光典策無任誠懇慙
惶之至

謝賜御書大通禪師碑額狀

右內侍尹鳳祥宣示御書大通禪師碑額六字畫起平
雲點蹲芒玉戈茅攢倚鸞鶴交飛神功發於至想睿思
成於玄德實謂天龍捧持虛空稱贊逝者如在荐福知
歸臣栖志禪門撰碑靈塔幸遇聖情崇道天書假貸刻
星辰於嘉石爛日月於封丘感極悲生恩深無答臣無
任望外殊澤之至

謝賜天寶寺額狀

釋嗣安

右臣會覺等言臣聞皇天以平分四時聖人以亭育萬

物僧等何幸頓沐殊私但以王者封畿乃稱鄴杜之邑
諸侯近甸是惟鄆鎬之濱頃者靈符發兆聖號輝煥百
神慶答萬國惟新不謂惠澤旁流降仙毫之瑞札宸慈
下被賜天寶之嘉名普潤繙黃齊霑寺觀而魚龍起伏
來從日月之宮東帛袞袞更資金繩之界雙林戴色紺
苑增榮臣等不勝抃躍之至

謝賜貞元寺額狀

崔行先

潞府羅城南面臣故使李抱真先用料錢脩置

山亭并改造立五龍神院等

右臣昨奏前件亭子及五龍院等伏望天恩賜額為寺
於當府抽有道行僧二十七人住持脩理為國崇福者
伏奉勅旨允臣所奏賜額為貞元寺者特沐殊私俯遂
愚懇採實厯之二字開浮城之一名演皇刼無窮之期
示蒼生迴向之路莫大之福實在於斯且上黨古郡先
皇舊藩星辰曾降於謳謠符瑞見存於圖謀昔為盤石
之地新作布金之園廣梵宇於城中資聖祚於天上闔

境臣庶歡抃難勝臣忝列藩維戴荷何極

謝賜僧尼告身并華嚴院額狀

令狐楚

右中使王進卿至奉宣恩旨賜臣前件僧尼告身并院額等臣伏以有為功德莫大於化人無上菩提亦先於奉國臣以前因慶誕輒貢敷陳期降福於上天庶効祥於今古伏蒙陛下用至真之印轉不退之輪寵錫僧名榮頌院額仰窺金榜跪捧瑤緘龍翥四維鸞迴三點憑

大悲之力便至道場承上聖之仁必成菩薩光生十地
歡動一方荷天眼之昭一作照明願法身之清淨所守有

限不獲陳謝無任欣戴之至

為五臺山僧謝賜袈裟等二首

令狐楚

右中使蘇明俊至奉宣聖旨賜臣巾襪香茶念珠袈裟
等伏以推恩之義法雨露而必均受施之深一作心戴丘

山而不墜伏惟皇帝陛下為人心印得佛髻珠垂衣于

空寂之門倒屣於清涼之境每因令月常降信臣輦珍
寶於九天散芳馨于十地巾裁吳綺靡不輕盈帔衲齊
紩無非麗密臣某等名非長者跡在凡夫既結襪以經
行又焚香而宴坐啜楚山之新茗煩惱頓除持越海之
明珠聖賢可數而煎和百品週遍萬僧覩奕葉以重光
知分畦而疊慶豈大雄慈悲之力盡上帝福德之田誓
當潔已禱天虔誠報國以無疆為聖壽以常樂為昌期
長承覆護之仁永助清平之理限以脩習不獲匍匐陳

謝無任感戴之至

同前

右中使蘇明俊至奉宣聖旨賜前件袈裟蓮子念珠等物均散五臺山諸寺伏以稻畦可製降自九天蓮菂親規生於八水或光浮眼界或香滿鼻根豈意凡夫今蒙寵錫山積於樓臺之下無不裝嚴雲散于林嶺之中悉皆週遍咸承覆露孰不欣榮誓將傳印之功以助垂衣之慶謹並準勅分散訖無任感戴之至

文苑英華卷六百三十四

欽定四庫全書

文苑英華卷六百三十五

宋

李昉等編

賀上

賀冊尊號狀二首

賀冊皇太子狀三首

賀降誕日德音狀一首

賀聖躬痊復狀二首

賀順宗謚議狀一首

賀論三教狀一首

賀西幸改期狀一首

賀冊尊號狀

孔 穢

右臣聞唐德格天列聖垂祐必紀名號以彰治唐功伏

諱

惟元和聖文神武法天應道皇帝陛下纘戎十聖時乘

六龍躬一德而善繼丕承鑿有形而天覆地載既休武

力方用文經遺步驟於殷周振聲容於華夏既而天人

合應億兆叶心探至道於邦家之先揭鴻猷於彊名之

域陛下初違羣議方守謙光旋體至公遠迴慈睠德意

既降盛禮將陳凡在品彙無任幸甚臣以待罪遐徼不

獲稱慶闢庭徒勤于牢江海之心有同太史滯留之日

無任歡抃之至

賀冊尊號表英華作狀非

韓愈

此篇當在五百六十九卷表門今已移入姑存其

目

百僚賀冊皇太子表

英華作狀非

柳宗元

此篇當在五百十七卷表門今已移入姑存其目

為崔大夫賀冊皇太子狀

孔戣

臣聞帝皇立極必建儲貳俾承宗祧所以祗奉粢盛永

固社稷者也伏惟睿聖文武皇帝陛下積德承業光有
天下思正國本以和人心載考春秋之義以明君臣之
道主茲七鬯允屬元良推明至公振舉舊典皇太子體
仁秉哲既嫡且賢溫文發中孝友聞外欽若不訓允膺
冊禮陛下將嗣十聖之休烈垂百代之懿範大備禮物
廣設明庭陰氣方晦而忽銷旭日既昇而增朗夷夏胥
悅神祇克諧足以包夏孕商跨周軼漢夫何晉魏以降
易置瑣瑣不足侔此盛禮既畢洪恩又洽恤刑議獄旌

善賞勞禮問高年存恤疾隱皇王之德於茲備矣臣忝
列近侍親承睿謨抃蹈之切不勝愚懇云云

為鄭尚書賀冊皇太子狀 令狐楚

臣聞於宣政殿冊皇太子訖伏以建崇儲位光啟春隣
萬方以貞九服同慶伏惟皇帝陛下誕敷聖訓光啟天
慈咸元貞於國經鍾福慶於邦本皇太子溫恭比德仁
孝因心方毓質於龍樓肇增輝於望苑臣戎守有限不
及蹈舞稱賀云云

賀降誕日德音狀

元稹

右臣等伏奉今月日勅旨

集作書

以降誕之辰奉迎皇太后宮

中上壽獲申歡慰宜集百寮及外命婦進名賀皇太后

仍御光順門內殿與百僚相見便永為常式者伏以降

集作誕聖嘉辰承天令節新恩肇降品彙咸休皇太后念

樞星之祥重遊甲觀羣執事排闈闔而入盡唱賡歌同

霑就日之榮實慶普天之樂况百官

集作寮

承式萬歲傳

呼永為利見之規彌荷無窮之澤臣等謬參樞務親奉

德音慶抃之誠倍萬常品無任鼓舞歡呼之至

李令公賀聖躬痊復狀前篇作表已見五百六十九卷

于公異

平和前篇作康

前篇作自天

上天

前篇作求衣

坐朝

前篇作之事

任

於藩臣前篇作彼戎臣

其餘所司責成各有常務臣蒙國榮輒

露丹懇伏惟察納表臣愚忠無任感激屏營之至

前篇作從

容聖心消息玄化為宗社自愛委諸有司幸甚

臣蒙國寵榮輒露誠懇伏惟察納表臣愚忠

為大夫安平公華州進賀皇躬痊復物狀

右臣聞藩方舊德臣子私懷特稱慶於天朝必展儀於
土貢伏惟皇帝陛下道苞乾象德總坤靈肇自元正載
康福履九廟不忘於繼志兩宮無闕於問安鼓舞萬靈
波傳四國驗推測則咸如周卜聽祝詞而皆若華封臣
坐擁伏熊行驅畫準值一人之有慶當春日之載陽心
但葵傾跡猶匏繫伏蒲之覲謁未果獻芹之誠懇空深
況又地邇宸居俗薰儉德更無玉帛以率梯航前件石

器等瑞匪土硎珍慙羸磬並取諸地產皆以勒工名茯
苓茯神等品載仙經奇標藥錄通靈祛疾不唯色若凝
脂延壽安神豈是心如枯木干胃陳進無任兢惶云云

賀順宗謚議表

英華作
狀非

令狐楚

此篇當在五百七十一卷表門今已移入姑存其

目

賀論三教狀

張九齡

右伏奉今日墨制詔諸學士及道僧講論三教同異臣

聞好向之論事躡於偏

集作萬

方至極之宗理歸於一貫

非夫上聖孰探要旨伏惟陛下道契無為思該玄妙考

六經之同異筌三教之幽曠將以降照羣疑敷

集作教

化

率土屏浮詞於玉殿緝經

集作精

義於金門一變儒風再

揚道要凡百士庶

集作庶士非

罔不知歸臣等幸侍軒墀親

承至訓抃躍之極實倍恒情望宣付史館謹奉狀陳賀

以聞

賀西幸改期狀

右臣等今日面奉進止西幸有日般運已去仍聞京畿百姓猶有未安儻來歲非熟下無所向

集作下人無向朕雖至

彼復有何情欲延期至來冬待看穀麥卿等商度以為何似臣等具奏洛陽城闕雖曰皇都至於宮苑之間制度本狹然風土氣候不甚宜人陛下以萬姓為心萬姓以陛下為命億兆所繫誠在聖躬聖躬若安何顧小小陛下遂當寧動色再降德音苟利於人朕何顧惜發言惻隱感動神祗臣等幸聞至言不覺承睫聖恩愛育遂

及於此又勅臣等商量進來者湛恩至德焉可使朝臣
不知聖恩鴻名不可令史官無述臣望宣聖旨改用來
年十月幸西京仍望具將本狀遍示朝列并宣付史官
臣等不勝感戴踴躍之至

文苑英華卷六百三十五

欽定四庫全書

文苑英華卷六百三十六 宋 李昉等 編

賀中

賀祥雲見狀二首 賀上仙公主靈應狀一首

賀昭陵徵應狀一首 辭日傍瑞氣狀一首

賀太陽不虧狀二首 為宰相論月應蝕狀一首

為政事賀雨狀一首 賀祈雨有應狀一首

賀雨晴狀一首 賀麥登狀一首

為政事賀苗稼狀一首

賀祥雲見狀

張九齡

右臣等伏見道門威儀司馬秀表稱今月十日夜陛下親臨同明殿道場為宗社蒼生祈福有祥雲見伏惟聖德以精意集作至動天天意以肸蠁符聖其感甚速豈云玄遠集作其陛下肅集作聖敬之深勤恤所至靈心如答應豈遠集作其陛下肅集作聖敬之深勤恤所至靈心如答神道何言自表休期以介景福生人大賴天下幸甚臣等忝居近侍倍百恒情謹奉狀陳賀以聞伏望宣示史

館

賀彩雲見狀

張說

右伏奉恩旨今日屬下元賜臣等侍從昇降聖闕禮謁
大聖尊容行香之際日西南有彩雲見者伏以大道無
形至誠斯應上玄降福感而遂通步輦陟於齋宮虔脩
香火彩雲生於曉日遽發祥光是知聖德與天心合符
萬靈與羣仙叶贊臣叨陪侍從如昇汗漫之遊承恩禮
謁更覩氤氳之瑞榮華之極千載一時無任欣慶之至

賀上仙公主靈應狀

張九齡

右臣等伏奉今月八日上仙公主靈座有祥風瑞虹之應爰至啟殯乃知屍集作于解又承特稟清靈薄於滋味

素含真氣自不食鹽泊乎

集作于

遷神更標奇跡伏惟聖

系本於道源妙有所鍾靈異必降不然者何得幼而能

悟性與非常適來以時且契於玄運超然而脫

集作于

復

昇於丹籙杳冥雖遠髣像如存則知仙路有歸慈念已釋理絕今古事昭聞見況臣等親侍軒墀幸聞仙解無

任感慰之至伏望宣付史館以昭靈異仍望宣示百官
謹奏

賀昭陵徵應狀

右御史中丞徐惲從京使還向臣等說妖賊劉志誠四
日從咸陽北向面集作原向南見昭陵山上有黑雲忽起志

誠謂其凶徒云此雲將有暴風若衝頭立恐有破敗志
誠久從軍伍頗解雜占其言未畢驟風果至直衝行首
莫不昏迷衆心驚惶不知所出及至便橋之際竝即散

走又見父老云往年權梁山之徒將逞不軌當時亦有烈風暴雨發自昭陵北集作此至京城賊還破滅謹參往

事與今同符者伏以閭閻賤類竊敢猖狂而祖宗威靈

亦已玄鑒昔年感召若命蚩尤今日驅除更徵集作假風

伯所以妖炁集作氣自矜狡計莫施頃集作晷刻之間逃形

無路此皆神功潛運曷歷無窮將俾孫謀用昭聖德事堪懲惡可以垂後無任慶悅之至仍望宣付史館集作官

并示朝列謹錄奏聞謹奏

辯日旁瑞氣狀

元稹

今月二日日旁瑞氣右奉宣其日日上有橫赤五色氣
鮮明黃潤日兩邊各有嘉氣內赤外青宰相稱賀云是
五色雲見不知是否者臣謹按乙巳占有赤氣橫在日
上謂之戴其分當益土進爵推戴人君之象又人君當
立王侯封建親戚以為福祐之徵竊見其日除王潛郭
釗田布等官則陛下凡有舉措盡合天心微臣所引占
書悉皆明驗伏請以戴氣宣付史官不可誤書五色雲

又云青赤短小在日旁謂之珥微曲向日謂之抱珥者
纓珥之象天子有喜兼集作并有和親之事又當拜將抱

集作并

者扶抱向就之象隣國臣佐來降天子有喜賀之事子

孫之慶臣下忠誠輔主國中歡喜和合今北狄和親西
戎通好時者承允請命其日三將同昇萬姓歡呼四方

來賀亦可謂陛下凡有舉措盡合天心微臣所引占書

悉皆明驗伏乞集作請亦以抱珥宣付史官不可誤書五

色雲見以前件圖籍作載如右伏以五色慶雲蓋是小

瑞戴氣抱珥所謂殊祥宰臣忽遽之間未暇精究其事
此皆陛下禮行郊廟誠達神祇展百拜而忘疲入九室
而流涕近臣興感上帝垂休克呈捧日之祥以展集作表

動天之德微臣同霑侍從別感恩慈方當鼓舞之時恨
不呼呼而賀然臣以為陛下特宣手勅宰臣云今月二
日卿等所言日旁五色雲見叅驗圖書蓋是戴珥之象
此皆祖宗積慶特示子孫之祥豈冲耿微誠能致昊穹
之貺宜令所司擇日告廟上以奉高祖無窮之祐次報

憲宗有截之功誕告華夷竝令知悉若此則陛下感通
之德已見九霄推讓之風將傳萬葉爛然宸翰手勅以
示於天下集作宰臣煥乎天文撰詔自生於聖旨事超萬古
道冠百王伏惟天恩密賜裁察

賀太陽不虧狀

張九齡

右今月朔太史奏太陽虧據諸家厯皆蝕十分已上仍
帶蝕出者今日日出百司瞻仰光景無虧臣伏以日月
之行值交必蝕筭數先定理無推移今朔之辰應蝕不

蝕陛下聞日有變齋戒精誠外寬政刑內廣仁惠聖德
曰慎災祥自弭若無表應何謂大明臣等不勝感慶之
至謹奉狀陳賀以聞仍望宣付史官以垂來裔

同前

蘇頤

臣等伏承太史奏昨日太陽虧陛下爰發行宮不御
常服聖慮淵唐諱默天情寅戒頓于行在不可榮社以責
陰凡厥觀瞻不殊登臺而視朔自亭午過晡申寒沴成
春一作溫陽光轉大伏惟皇帝陛下纘千歲之統擁三神

之休道洽功成增高益厚金繩玉檢轍跡於前聞日觀
雲封降祥於即事且疇人察序太史宣職以歷而推式
聞常度至時不蝕乃自殊祥陛下昭事於上天上天昭
答於陛下若是之速其何響會非常之祉孰不忻懼臣
等忝預從臣無任踴躍慶抃之至

為宰相論月應蝕狀

臣近者特奉玉階親承聖旨伏知今月十四日夜月蝕
當盡此驗非遠即胡滅之祥臣以為太陰之蝕必在於

望太史司占不言邇日聖人同契果應先天而不測為

一作神謂前知者聖臣昨宵將暝精慮仰觀初則桂魄正

圓俄見箕枝遂缺乙夜之後所蝕便既臣載欣載躍聞

所未聞但恐默啜禍盈命危勢蹙百年之運晷刻當窮

三象之微蔽虧先肇一作見臣等忝階近侍喜萬恒情無

任欣躍之任

為政事賀雨狀

頃者西郊不雨南陸憊陽上動聖情下憂農事一人以

禹湯罪已百姓以堯舜為心知天人之合符非土龍之可致德音朝降纔出於巖廊膏澤晚飛已周於城闕麥宜蚤秀日助晴光禾欲潤成歲知秋獲惟皇建極天且弗違用爾作霖臣復何補既叶夢魚之吉預占鳴鶴一作爵之期祚躍之誠萬萬恒品

賀祈雨有應狀

張九齡

右臣等昨面奉恩旨緣秋稼有望時雨暫憊念及黎元見于顏色方躬自祈請誠勤夙夜上靈昭鑒嘉瑞必臻

昨日申酉之間雲物果應初含五色正覆於壇場未及
終宵更洒於城闕遂使炎埃宿潤虐暑頓清實冀膚寸
之資必畢集作

致普天之澤臣等多昧徒仰於成造蒼生

何幸每及於聖私無任欣慶

戴集作

抃躍之至謹奉狀陳

賀以聞既有殊應仍望宣示

付集作

史館

賀雨晴狀

右今月十日高力士宣聖旨以霖雨淫

集作方

滯有害稼

禱之憂將親禱上陽三日內不坐精意朝發而重陰夕

露乃數日已來遂致開朗誰謂天遠其應甚速遂得麥
秋有望蠶事且登則知至人無心與天地合契神功潛
運豈陰陽不測伏惟陛下明德自廣兢業載懷所致休
徵必加謙慎天聖相合福施羣生日用不知年和在此
臣等無功集作能翊佐徒忝近密每有大猷承奉不暇無
任欣戴慶躍之至

賀麥登狀

右今日高力士宣垂示臣等皇太子表以嘉麥有成陞

下躬執勞事率先兆庶皇太子以已

集作

下繼美聖功臣

聞勤於稼穡必有麌麥之慶著在春秋則非他穀之比

伏惟陛下致敬宗廟屬意念

集作

黎元春郊順時則千畝

在御禁園測候則萬萬皆豐况云立訓天人降尊農務

上靈昭德已聞瑞日增輝當夏

集作

不疲則有祥雲自

覆是彰敦本之化式旌造物之功人謠在茲天意可鑒

且禹之盡力堯實用心史冊美談帝王成

集作

範未有

休徵神應若斯之盛者也以今況古千載未聞請付史

官天下幸甚臣等叨榮近侍倍百恒情無任感戴抃躍之至

為政事賀苗稼狀

蘇頤

右臣等昨面奉聖旨以近日暴風雨恐麥有損陛下務農在候輒膳終朝憂勞之甚起居不憚臣等聞重華之德闕發用心夏禹則為人先成湯自以身禱求諸往事未或前聞天與聖符風將雨止果果之日吐扶桑而已霽茫茫之野合岐麥而皆秋仍滋北里之禾更潤南山

之豆京城可望不知日用之功旒展注懷尚切在予之
念臣叨陪近侍親奉德音上貽慮於納隍下增憂於折
鼎無任惶悚之至

文苑英華卷六百三十六

欽定四庫全書

文苑英華卷六百三十七 宋 李昉等 編

賀下

賀勦捷狀一首 賀誅賊狀一首

賀退賊狀一首 賀破突厥狀一首

賀東北累捷狀一首 賀賊自相誅滅狀一首

賀破吐蕃狀一首 賀靈武破吐蕃狀一首

為昭義李相公賀雲南歸附狀一首

賀破渭北党項狀一首

賀斬僕固瑒狀一首 賀破高玉狀二首

賀韓僕射充招討使狀一首

賀破賊兼優卹將士狀一首

賀行營破賊狀二首

賀剋捷狀

張九齡

右高力士宣示臣等張侍賓表臣等前因奏事親承聖
旨懸料數日當必一作有捷書及此使至皆如睿畧但狂

胡背誕圍逼軍州

一作州城

凶力固已困窮邊城一無所損

臣等伏料此賊早是破傷大衆自遠方來

四字集作遠來踰月

乃去馬羸則多死人苦則計生本是烏雜之徒足為

集作

微破亡之漸此皆皇威遠警氣浸坐銷豈伊邊人所能

自保臣等幸忝樞近承奉聖謨邊捷有符不勝慶悅謹

奉狀陳賀以聞仍望宣付史館謹奏

賀誅賊狀

右蓋嘉運奏北庭鮮圍仍有殺獲蘇祿背德敢此讐天

盡驅犬羊來犯軍鎮雖肆凶毒欲逞其心而邊兵無遺
鏃之費狂賊有輿戶之禍此皆陛下聖武將士龔行遠
必叶謀動無遺策能令氛祲坐自廓清臣等每奉_{集作奉}

密謀屢承獻捷踴躍稱慶倍百恒情謹奉狀陳賀以聞
謹奏

賀退賊狀

右高力士至宣勅示臣曹待宣奏狀知蘇祿遁逃集作走
入山出界者四鎮懸遠比被侵逼將士用命雖有誅鋤

凶黨

集作徒

尚多時

集作日

有抄掠兵疲矢盡為弊亦深今

自奔亡誠是震懼聖威及遠氛沴坐銷又北庭救兵當時廻旆不費軍廩事且無憂吐蕃縱實西行蘇祿不得相應其敗可必又無可憂邊事且寧不勝慶慰謹奏狀陳賀以聞謹奏

賀破突厥狀

右張守珪表奏突厥四萬騎前月二十五日至能訖離
一作難山契丹涅禮等前後斬獲俘馘數逾十萬突厥可

汗棄甲逃亡奚王李歸國及平盧軍將等追奔逐北計
日殲滅更聞奏者伏以突厥新立輕事用兵彼之威衆
在於一舉又兩蕃與其結隙交構未深在於邊隅猶軫
天算陛下料其終始指授規模知其舉衆集作鍾盡來本
自無策勞師襲遠必合成功擒使蕃騎先鋒漢軍堅壁坐
觀成敗自戰蠻夷今契丹纔交突厥已破計其奔北必
至喪亡從脫身獲全亦舉衆皆棄魄集作此虜震懼從此
氣衰東胡保邊永不攜貳寬徭罷罰自此可期皆聖德

遠覃皇威遐振事無遺策舉不失圖臣等忝跡樞近親承睿畧忭躍之至倍百恒情謹奉狀陳賀以聞謹奏

賀東北累捷狀

右今日劉思賢至奉宣聖旨垂示臣等破賊所由兼見守珪表奏具承契丹累捷伏以聖武所加制勝者無失天威不抗犯順者自亡突厥負衆背恩窮凶遠襲兩蕃懷德誓死知集作如歸三軍奉國從命如指遂使一戰便克已聞殺傷無筭慟哭而奔則知主將必死且蠻夷相

伐我則不勞疆場有虞義亦奚失固知無愆信於漠北
有大造於燕垂此實獨斷神謀事皆有預萬全之策永
靜邊隅薄伐之師匪勞中夏凡在黎庶孰不欣躍臣等
忝預樞近倍百恒情無任慶悅之至

賀賊自誅滅狀

前人

右高力士宣示張守珪所上逆賊契丹屈烈及可突于
等首級此等惡稔喪敗將及故天誘其衷既降又貳而
感義之士惡其翻覆背恩之賊已就既已誅鋤幽障廓集作

清華夷俱靜計其餘噍永無動搖陛下邊任先擇聖謀
獨斷克稟成命樹此戎功且知河朔無轉輸之勞林胡
為賦稅之地臣忝在樞近預聞遠績捷書之至喜倍恒
情謹奉狀陳賀以聞謹奏開元三十二年十二月

此篇元誤編在五百六十六卷表門今已移入于
此

賀破吐蕃狀

張說

右臣等伏以涼州遙稟神筭大振天威吐蕃小醜應時

摧敗元惡渠魁乘勢俘戮隻輪疋馬坐見無遺雖虞舜之格有苗黃軒之征涿鹿未有廓清氛祲如今日之盛者臣等無任慶快之至

為昭義李相公賀雲南蠻歸附狀

崔行先

臣某等伏承雲南羣蠻率其類八國獻欵歸附以某月日至于闕下臣伏惟皇帝陛下端拱九重高視千古聖謨廣運方昭不宰之功至德柔遠是有非常之慶不然

者荒陬蠻貊左衽鳥言文軌未通嗜慾有異不知父子之性獨識皇王之恩此皆天誘其衷神助其請歸我龍德革彼狼心豈假渡瀘之師俄同兩階之舞夏啓之征有扈高宗之伐鬼方書之載籍適足慙耻臣限以守職藩維典茲戎旅不獲隨列稱賀抃舞丹墀之至

賀靈武破吐蕃表

令狐楚

此表當在五百六十七卷賀捷表門今已移入姑存其目

賀破渭北党項狀

于 邵

右臣得所由報破前件賊者伏以作逆者皇穹所誅阻兵者黔首共棄此賊與懷恩同惡俱為不道昨率其蜂薦犯我郊畿奉天之衆振其前邠州之軍制其後彼進無所入退知難歸尚肆貪狼更為封豕竄侵縣邑剽掠居人光進仗天之威首殲魁蘖杜冕賈士之勇再掃殘妖既已誅其鯨鯢佇見傾其巢穴凡在戎旅孰不歡欣臣忝惣兵權倍萬恒品

賀斬逆賊僕固瑒狀

右臣某日於華州下邽縣東乾坑店下營伏承中使某
昨日於路將逆賊僕固瑒首級過上都者伏以前件賊
夷狄雜種素無令望本因行陣得踐榮班當將帥之權
効錐刀之用幸憑廟筭頗立戰功陛下嘉其成功寵以
非次謂能盡節翻構異端禦惡貫盈人神共棄今引頸
受戮傳首而來率土之人不勝大慶子既伏罪父必成
擒掃蕩妖氛在於旬日臣忝司戎律倍萬恒情遲迴路

隅踴躍忘倦無任慶快之至

賀生擒高玉狀

右臣得澤潞節度兼鳳翔秦隴臨洮觀察處置等使李抱玉今月二十日牒稱先鋒將柏秀等十一月於南梁州大雪嶺北破前件賊黨殺戮四千五百人生擒高玉妻及男女二人并獲牛馬八千頭匹器械三千餘事又得李抱玉今月日狀稱於南梁州城固縣界擒高玉訖伏以此賊因依山險嘯聚甲兵蟻鬪郊畿之間鴟張邑

一作

屋之下西與犬戎連接北與逆豎交通更唱迭和窮兇極惡人神所棄覆載不容李抱玉虔奉睿謀架入其阻始則俘其逆黨終用覆此凶渠巖穴一作谷以之風行雪林由其電掃威靈遠揚兆庶同歡在臣微誠倍萬恒品

賀破高玉賊狀

右臣得孫志直狀報具件如前伏以此賊嘯聚日久兇逆實深在於邦畿頗罹辛蠻既與犬戎相結又共懷恩合謀若二寇比來必為內應孫志直忝承廟筭討伐殘

羌既斬級以擒生遂傾巢而落卵蕃渠失援邊烽可息
一作瞬
息可期臣忝惣戎倍萬恒品

賀韓僕射充招討使狀

令狐楚

右中使臣希倩至伏奉詔書吳少誠比令招討都不悛
心今以韓全義充蔡州行營招討處置等使臣當軍兵
馬令取全義指揮上官說充招討副使令臣使人詣一
於行營所撫慰將士仍令激勵臣伏見逆賊吳少誠殘
喘微生闕飛賊品敢違帝命來即靈誅陛下天覆為心

雲行其德念日月所照九州攸同哀陷寢之中一夫不獲懸申詔旨曲賜生全而長惡未悛執迷不復凶逾殛
鯀聲極吠堯今既慎選武臣盡驅猛士威聲先路實勵
於震霆剪滅剋期必同於沃雪欣歡奮激倍百恒情當
道應行營將士等悉懷感怒畜力候奮指蹤示處既以
得人致命捐軀必應無敵臣即準詔差人轉往慰諭仍
切加激勵冀申微効用答深恩不任悃欵之至

賀破賊兼優卹將士狀

右中使臣希倩至伏奉詔書得全義懇率諸軍已入賊界四月二十七日大破賊徒并擒斬生級如有身死王者已委全義竝給棺櫬送歸本道令臣五年莫停衣糧者吳少誠畎澗下流不朝于海根荄弱植自絕於天陛牢之中嗚吠未已今霜鋒雲集月羽風馳既壓賊軍纔聞僥鼓將摩寇壘已見靡旗實廟堂知先勝之形校隊陳爭登之力誅鋤有次蔑殺無難凡在方隅不勝欣抃臣伏以雖忠不烈戰士所羞視死如歸武夫之志伏

惟陛下弘天覆憐為日照臨載激怒肝髮收膚骨漢世
徒頒其櫜犢義闕送終周詩縱裏其糇糧賞延非嗣以
今觀古奮一當千臣獲守邊陲叨居將帥無任感激之
至

賀行營破賊狀

右臣得當道行營兵馬使李黷狀報諸軍兵馬四月十
七日從臨賴縣三道齊進二十七日過濱水縣張村下
營間探知桑林中有賊遂與接戰大破賊軍擒生斬級

不知其數者臣伏以天道無親助其効順人生有欲患
在不安今逆賊吳少誠深入禍門自沉且罟執迷不復
謂暴無傷去至安而即甚危棄大順而為巨逆避日月
之照干雷霆之誅尚假息于寸陰敢偷生於數刻今者
將從天落兵若山行濟澱水而不濡隔偃城而欲斷長
蛇之首尾如截應接自難狡兎之窟穴已焚死亡無所
方當破竹猶繫苞桑剝銳氣以長驅抗威稜而直指困
雖猶鬪亂不能軍既推衆惡之鋒必喪元兇之膽以愚

籌度不日掃清臣忝守戎旃無任忭躍憤激之至

賀行營破賊狀

右臣得當道行營兵馬使李黷狀報今月十三日於故信州城下破賊三千人斬首七百餘級者臣伏以舉趾或高則無所措退藏多密罔或不亡一作知逆賊吳少誠

用已之愚刦人為惡唯日不足謂天可逃自韓全義稟受廟謀惣齊力士橫行於境深入其郛兵才交鋒寇已亂轍以羸師之骸壘胥穢草而腥林疲馬之命委離裝

壞而咽輒實由奪其信懾拔彼懸門遂使戰野者不知
所歸守陴者無從而出兇徒風散叛卒星分亦足以快
帝怒於高天宣皇威於下土况臣任當旄鉞誓掃氛祲
慶抃之情實萬恒品所守有限不獲稱賀闕庭無任屏
營之至

欽定四庫全書

集部

文苑英華卷六百三十八至四十三

詳校官給事中臣李臺

助教臣常循覆勘

總校官進士臣朱鈴

校對官中書臣王瓊

謄錄監生臣施銳

謄錄貢生臣湯安泰

欽定四庫全書

文苑英華卷六百三十八

宋 李昉等 編

薦舉上

南海舉給事中穆質自代狀一首

舉杭州刺史韋皇后代狀一首

桂州舉前容管經畧使嚴公素自代狀一首

舉韋况自代充太子賓客狀一首

舉楊憑自代充兵部侍郎狀一首

舉崔邠充太常寺卿狀一首

舉崔邠充自代禮部尚書狀一首

薦道州刺史呂溫狀一首

薦昭州刺史張懸狀一首

薦劉孟脩狀一首

奏薛芳充支使狀一首

薦李晏韋楚狀二首

代人舉蔣係自代狀一首

代人舉周敬復自代狀一首

南海舉給事中穆質自代狀 馬 惇

右臣伏見前件官才畧過人清貞出衆早居省闈鬱有
政聲官叙已高時望仍重爰自出牧美績尤彰正直不
回沉毅能斷伏特_{一作}乞以臣官授之於質則必能鎮靜
方域輯和蕃戎臣之才能誠所不逮官謗易召榮福難
叨伏希聖慈允茲誠請則君無妄授之義臣無虛受之
名不勝懇切愧覲之至

舉杭州刺史韋臯自代狀

裴晃

右臣在福建與韋臯鄰近諳其為政甚得人心逃亡悉歸遠近皆悅頃在京兆以公造出官今領餘杭以治行高第馮異漢之名將初為赤眉所敗俄又大勝光武降璽書勞曰昔雖垂趨回谿今乃奮翼澠池可謂失之東隅收之桑榆矣臣以為韋臯之功亦馮異之比往雖小失今亦大理陛下既捨其過而使之則必必一作人心 激勵其氣有倍匹夫一言相為而死况君臣之義誰不感恩

桂州舉前容管經畧使嚴公素自代狀

李渤

右臣伏準建中元年正月五日制觀察使上後三日舉
一人自代者前件官曾任容管經畧使行朝廷威恩得
蠻夷畏愛可以備方隅之任惄廉察之權使其處臣之
官代臣之職必能擴悍柔服谿洞乂安伏乞聖慈允臣
所薦臣某不任誠懇之至

舉諫義大夫韋况

集本有全銜
英華不錄

自代充太子賓

客狀

權德輿

集作司

右伏準建中元年正月五日制常參官上後三日舉一人以自代者前件官舍和抱素晏息道樞循性履方遠跡聲利徵拜諫列乞歸故山實有古風可弘集作司教本伏以賓護之任道德所宜不嬰事物時謂清重正職員於三品列商皓於四人豈臣小生忽據尊秩久於塵玷自速憊尤過蒙恩私猶處優禮俯仰慙灼上負聰明賦祿命官必歸者碩以臣負罪非所克堪推賢讓能朝有

恒制大僚厚德慶洽時情謹錄奏聞謹奏

舉散騎常侍楊憑同前自代充兵部侍郎狀

前人

右伏準建中元年正月五日制常參官上後三日舉一人以自代者前件官曠度偉才明誠直道卓爾山立不隨波流自踐朝倫時推公器詰言形於風槩聲猷發於事業庶政根本在於南宮臣以庸虛五贊其職憑積望實未階茲選物議時情共知不可輒量力以循分期類

能以審官庶允至公以明朝典謹錄奏聞謹奏

舉吏部侍郎崔邠同前充太常卿狀

前人

右伏準建中元年正月五日制常參官上後三日舉一人以自代者前件官才茂識精密靜弘遠集作達久於右

掖再履南宮儀曹取士聲實不惑少集作小宰掄材流品

皆叙伏以奉常典禮首冠羣卿古今盛選不可虛授以臣愚薄累奉恩榮前後職官無非濫忝逮今獎命尤懼

非宜將可以叶和人神祇肅郊祀跡邠公望當處大僚
循分讓能朝有彝典謹錄奏聞謹奏

舉太常寺卿崔邠同前自代充禮部尚書狀

前人

右件官器行端茂文學弘深自中書舍人歷代禮部吏
部二侍郎太常卿皆與臣交代諳其政事伏準建中元
年正月五日制常參官上後三日舉一人以自代者臣
頃待罪非據首尾四年無補休明合當譴黜聖慈寬宥

猶守本官受恩之日惶駁失次又蒙特令宰臣奉宣進
止獎飾慰喻至于再三謂臣更無罪過恐臣妄有憂懼
承命震灼感入肺肝宰臣退免未有斯比實當休惕之
際再沐生成之恩臣以違奏近侍不合申謝慮煩省覽
不敢拜章輒因舉代之時特荷非常之澤况宗伯秩禮
選任重難以邪代臣實允公望謹錄奏聞謹奏

代李中丞薦道州刺史呂溫狀

溫自作

右臣伏以前件官操履有恒吏事精舉處繁簡肅辦獄
詳明尤於撫綏實著効績今道州賦稅畢集流亡盡歸
虔奉公程日至清淨委心於理古人不如衡州凋弊累
年常積逋欠寶籍財用以安疲黎伏望除衡州刺史臣
職當廉察上奉詔條觀善薦能臣合竭節七州之事故
不精詳前件官小心理務夙夜奉公才識出人効績尤
著況通州風俗獷猾前後難為緝綏自溫條理已來疲
人盡皆蘇息觀其能政堪為表儀臣輒舉所職上達聖

聰伏望天恩允臣所請云云

薦昭州刺史張懸狀

為人作

令狐楚

右臣伏準貞元六年十一月八日勅旨自今已後諸州
刺史縣令以肆考如理術尤異實効可稱考滿日委觀
察使錄事跡以聞特加獎擢者前件官守文惟謹持法
甚精清廉有餘貞固無比臣伏見嶺南風俗惰嬾苟避
征徭易成逋竄張慘憂人若已理郡如家勸課農桑置
立保社移風為敦厚之境徵賦無慘急之名周旋六年

其道一致臣猥司廉察忝守方隅以所見聞恐湏甄錄
云云

薦劉孟脩狀為人作

令狐楚

右件官業傳忠厚雅尚文儒貞白居心公勤守職累曾
試用皆著清廉頃崔漢衡在晉州日奏授殿中侍御史
充都防禦判官直道不回正詞無隱賓僚之內裨益甚
多知是公才豈一作辭為參佐屢詳疑獄心盡哀矜嘗判
劇曹事無留滯臣是以錄其勞効奏請改官伏蒙聖恩

特授前件官今赴闕下奉詔旨不敢乞留臣伏以孟脩
自有幹能誠堪任使所知微分輒敢薦聞干冒宸嚴伏
增戰越

奏薛方充支使狀為人作

右件官蘊蓄公才精勤吏道文章史傳無不該通大歷
末則與臣及徐泗節度使張建封同事故馬燧作判官
建中三年曾以公事直言不合其意遂被奏受交城縣
令及有政績褒然疲羸悉安征賦皆辦臣以其四居畿

令兩任法官有學有才堪為賓佐委令推斷無不詳平
與之籌畫多所裨益相詣相識二十餘年滯屈最深實
希榮獎伏望天恩特賜改官充臣觀察支使

薦李晏韋楚狀

太和六年

白居易

朝議大夫前使持節海州諸軍事守海州刺

史上柱國李晏

右前件官比任海州刺史被本道節度使配諸州稅麥
一例加估徵錢晏頻申論集作奏恐損百姓本使稱用軍

事切不得已而從之及被人論朝廷勘覆責不聞奏除

削官

集作替

階雖在法則

四字集作

誠合舉行於晏則

集作即

為獨屈况晏累為宰牧皆著良能清白公勤頗聞於衆

自經停罷已涉三年退居洛陽窮餓至甚身典三郡家

無一金據此清廉別堪優獎又建中初李正巳與納連

及汴河阻絕轉輸不通晏先父洧即正已堂弟為徐州

刺史當叛亂之時洧以一郡七城歸國效順棄一家百

口任賊誅夷開運路於

集作文

咽喉斷兇渠於

集作之

右臂

遂使逆謀大挫妖寇竟消從此徐州塉橋至今永為內
地如清之子實可念之臣伏以清之忠功不可忘晏之
吏材不可棄伏希聖念量授一官庶使廉吏忠臣聞之
有以集作所激勸

薦伊闕山平泉處士韋楚

右件人隱居樂道獨行善身歛跡市朝息機名利況家
承集作傳替組兄在班行而楚獨栖山卧雲鍊氣絕粒滋
味不接於口塵埃不染于心二十餘年不改其樂志齊

箕頽節類顏原縉紳之間多有稱歎臣為尹政理合

集作

具薦論雖飛鴻入冥自忘飲啄而白駒在谷亦貴繫維

儻蒙寘彼周行靡之好爵降羔鴈之禮命助駕路之羽

儀足以厚貞退之風遏躁進之俗茲亦盛事有裨聖朝

以前件謹具如前臣伏以念功振滯前王之令猷貢士

推能長吏之本職其李晏韋楚等並居府界不踐公門

臣實諳知輒敢論薦有涉塵蹕無任兢惶謹具奏聞伏

聽勅旨

代人舉周敬復自代狀 杜牧

前件官執德以進嚮道而行藹有令名備歷清貫掌綸
言於西掖才稱發揮參密命於內庭衆推忠慎自珥貂
近侍主籥集作鑰 通用東門聲價益重於縉紳磨涅始彰其

堅白伏以南省實天下根本兩丞為百司管轄苟非其

選必致曠集作敗官今若以臣所任廻授敬復庶能肅清

臺閣提舉綱紀既曰陟明實不虛受伏乞天恩允臣所

請

代人舉蔣係自代狀

伏準某年月日勅內外文武常叅官上後三日宜舉一人自代者伏以前件官仁義素彰文學早著揚歷臺閣宣昭令名嘗為諫官無所避忌及領藩鎮實惠疲羸頃者不附權臣例遷佐官今逢明代猶典小州伏以封還詔書駁正時事職業實重選擇宜精今若以臣此官廻與蔣係既不虛受實曰集作為陟明伏乞聖慈允臣所請

文苑英華卷六百三十八

欽定四庫全書

文苑英華卷六百三十九 宋 李昉等 編

薦舉下

為濮陽公舉人自代狀一首

為尚書渤海公舉人自代狀一首

為懷州刺史舉人自代狀一首

為榮陽公奏一作舉王克明等充縣令主簿狀一首

為榮陽公舉人自代狀一首

為鹽州奏李孚判官狀一首

為濮陽公奏韓琮等四人狀一首

為安平公奏杜勝等四人狀一首

薦前漢州刺史薛元賞狀一首

薦前淮南節度掌書記殿中御史狀一首

薦澧州刺史崔雲狀一首

薦觀察判官陸暢請章服狀一首

為薦濮陽公陳許舉集作
請人自代狀

李商隱

右臣伏準某年月日勅内外文武官上後三日舉一人
自代者臣伏見前件官樂郤舊族鄒魯名儒鏡納無私
集作 疾山高不讓而又循牆戒切銘座規深蘭省辭榮竹
符出守漢悲來暮晉有去思晦而轉明集作 影澆而尤白

既還綸閣復掌禮闈人驚谷鳳之才士切登龍之譽集
及司版籍以副地官比按西羌孤忠靡失集作 按比
失 麻居然國器實映朝倫今沔水無兵武昌非險用為廉

問尚鬱廟謀臣所部乃秦韓戰伐之鄉周鄭郊圻之邑
軍踰千乘地控三州若以代臣必為名將敢希睿澤曲
遂愚衷俾寬竊位之譏冀受集作後進賢之賞干冒陳薦
無任兢越謹錄奏聞伏聽勅旨 某官崔蠡在前

為懷州刺史舉人自代狀

右臣伏準建中元集作一年正月五日勅內外文武官到
任三日舉一人自代者臣伏見前件官汾陽啓胄沙麓
遺芳佩觴之辰平居不戲加冠已後出言成章本以詩

書綽有機斷奉陰郭之良躅

集作徹

御

集作御

非

馬鄧之明

集作

成規臣以

集作與

其祖禰已來藩宣相接雲臺高議同承

鍾鼎之餘麟閣舊圖共著河山之誓交深志見年齊道

均今河內名邦單懷巨郡南蕃鳳闕平分晉鄭之交北

控羊腸方有干戈之役推讓雖循於故事薦聞實切於

私誠伏乞聖恩特允臣志無任感恩推賢之至謹錄奏

聞伏聽勅旨

為尚書渤海公舉人自代狀

某官周墀

右臣伏準某年月日勅內外文武官上後舉一人自代者伏以京邑為四方之極咸秦乃天下之樞必命英髦以居尹正臣謬蒙抽擢素乏才能將何以風彩章臺弱儀華囿集作函况又方營咸集作函鄙畢肇集作肇建園陵苟推擇之不先則顛覆而斯在前件官莊栗以裕簡嚴而寬玉無寒溫松有霜雪頃居內署實事文皇引裾而外朝莫知視草而中言罔漏洎分符近甸廉印雄藩不徇物

以沽名善推誠而立斷渾

集作
鵠

若全器宜乎在庭儻召

以急宣被之眷渥必能明張條目峻立隄防肅千里之

封畿惄

殷集作

五都之貨殖軒

英華作
燕非

臺禹穴無虧充奉

之儀漢苑秦陵盡絕椎埋之黨特乞俯廻宸斷用授當

仁免今日之叨恩冀他時之上賞干冒陳薦兢越伏深

某官崔龜從

伏以內史故事例帶銀青尹正舊儀平揖令僕必資髦
碩方備次遷臣特以鯁儒猥丁昌運位崇八座官紹三

王況駕有上僂居當晏出務煩廐置役重津途儻讓爵
之不思則敗官而斯疚前件官荆岑挺價赤堇揚鋒稟
松筠四序之榮包金石一定之調由中及外自誠而明
昨者故鄣利遷朝臺受律隱之清節無媿於投香江革
歸資唯聞於單舸必能集同軌之會奉因山之儀使桴
鼓稀鳴建瓴流化伏乞特迴鳳詔以命龜從成聖朝棫
樸之詩減微臣維鶴之刺干贖旒辰伏用兢惶

為榮陽公舉王克明等充縣令主簿狀

前人

以前件狀如前伏以臣所控聯谿洞參錯巒崿水接重湖山當五嶺縱有天官注集作恣非擬多緣地理幽遐或

不出上京已發徒勞之歎或蹤來屬邑即聞歸去之辭既經久而不謀亦柔良而曷寄臣謬膺廉部慮在曠官儻旬朔以無言則賦輿而必闕前件官或膏梁遺胄或英俊下僚雖寓遐陬久從試吏假之銅墨有意於鳴琴委以簿書不羞其棲棘既聞績用含有甄昇一則復遠

俗之凋殘一則輕微臣之憂責苟事因請託跡涉貪殘
將有負於斯人豈敢逃於舉主伏乞希卑聽咸賜即真
于冒宸嚴無任兢越

為榮陽公桂州舉人自代狀

某官裴俅

右臣伏準某年某月日勅内外文武官上後舉一人自
代者伏見前件官邑鄉茂族洛下名生處家國以必聞
善兄弟而無渝而又南輦耀彩東箭含筠身先較藝之

場首出觀光之籍從外府而允稱賢佐立中臺而克號
清郎洎時急昌言官登大諫楊阜常規於法服陳羣盡
削其封章實於不咈之朝能守勿欺之旨臣所部俗分
蠻徼地控越城藉威畧以靖封隅資簡惠而安疲瘵願
廻殊渥以授當仁豈微敬仲英華作豈_{為敬重非}之才兼有伯游
之長俯從牢讓方免曠官特冀宸嚴曲垂矜許干冒陳
讓惶越無任

為鹽州刺史奏舉李孚判官狀

前人

某官李孚

右件官克生公族早履宦途器實幹時辯能專對加之
夙明韜畧久遂旌旃頃為已知屈從吏議許休文之流
浪萬里非賒王仲宣之播遷三年未遇儉而不憇困且
能通雖何恤於無家良可悲其絕籍去歲以惟新之命
大洽鴻私亦既旋還合從叙用開成五年十一月十三
日吏曹已注右威衛倉曹叅軍授官未謝又蒙挾名除

替初云牽復仍迫屢空京口劉生方思鵝炙洛陽蘇子

已嘆貂裘方今崇唐

集作帝

堯敦厚之恩推魏文光榮

集作榮

樂之肯豈令棄良材於散地化王孫為

英華作於非

旅人臣

素乏器能叨膺任使控綠池之要地守清澤之堅城將

以宣布威靈彈壓氛祲苟茲謀失所佐理非材豈惟墮

此軍聲兼且傷於朝寄臣深自計孚實當仁况又得於

諸宗且兼通舊諸葛均有因依之分龐士元多鑒裁之

恩是敢輒躡宸階乞榮賓席使得盡其風力佐彼邊陲

雖處平原之壤必將頽脫劒拭華陰之上粗雪幽沉請
依資賜授一官充臣防禦判官千冒冕旒無任戰越
為濮陽公陳奏韓琮等四人充判官狀

韓琮

右件官早中殊科榮推雅度絃柔以直濟伏而清頃佐
憲臺且丁家難當喪而齒未嘗見既祥而琴不成聲逮
此變除未蒙抽擢臣頃居闕守琮已列賓僚謀之既臧
剛亦不吐願稽中選榮借外藩伏請依資賜授憲官充

臣節度判官

段環

右件官言恩無詭集作邪學就有道屢為從事嘗佐正人

加以富有文辭精於草隸雋而且檢通亦不流臣所部
稍遠京都每繁章奏敢茲上請乞以自隨狀請依資賜
授憲官充臣節度掌書記

裴謙

右件官魯國名儒芑鄉右族松寒更翠馬老不迷臣昔

忝鑒

英華作
監非

門辟為記室屬辭而夙構無異論兵而故

校多歸畫

集作
委

以前籌見其餘地伏以前任大理評事

已三十三箇月比於流輩已是滯淹伏請特授憲官充

臣觀察支使

夏侯瞳

右件官藏器於身為仁由己齊莊難犯勁挺不搖臣任
切循良

集作
拊循

務繁稽勾思留仙尉以重賓階伏請依資

改授一官充臣節度巡官以前件狀如前臣四朝受任

三鎮叨榮慕碣石之築宮廣延儒雅効西河之擁篲樂得賢才韓琮等竝無所因依不由請託久諳才地堪列幕庭伏希殊私盡允誠請謹錄奏聞伏聽勅旨

為安平公兗州奏杜勝等四人兗判官狀

杜勝

右件官流慶相門榮名詞苑當仁罕讓見義敢為符彩極高涯涘難挹臣前任已奏為判官臨事而每見公方與語而必相弘益今臣寄分團結集作練任切訓齊將奉

廟謨實在賓彥賜守本官充臣團練判官

趙晳

右件官洛下名生山東茂族仁實堪富天爵極高妙選
文場亟仕侯國珪璋特達蘭杜芬馨今臣廉問大藩澄
清列部籍其摹畫共讚朝經伏請賜守本官充臣觀察
判官

李藩

右件官文圃馳聲賓階擅美口含言瑞身出禮門前任

已奏為判官馭集作遙下而和易不流臨事而貞方有執
今臣移參國用務切軍須實假平均以同計畫伏請賜
本官充臣觀察支使

盧涇

右件官博涉典經該覈流畧自魯壁所壞汲家之藏三
篋能知五車盡究加之文采兼以器能前者為臣屬僚
嘗在州推獄明斷而不容吏黠哀矜而莫有人寃今者
團練之司稽巡是切每集作直思獎勅集作効非敢用情伏

請依資賜授法官充臣都團練巡官以前件狀如前伏
以長人者必以吏分勞逸開幕者亦用士為重輕若不
樹人何以報國况臣素無勲効謬竊寵榮至於賢才敢
恟筐篚前件官竝推賓彥堪贊藩條伏希殊私盡允誠
請謹錄奏聞伏聽勅旨

薦前漢州刺史薛元賞狀 張次宗

右件官明敏多才幹能有用嘗列班行之任亦專繁劇
之司廣漢在蜀川之中最為大郡凋瘵之後為理甚難

流庸自占者過九千家田業開闢者踰五百頃修兵甲
則戎備斯足置什器則公用有餘事無不周去有遺羨
臣任當廉察備覩政能伏望聖恩特垂甄獎

薦前淮南節度掌書記殿中御史李躍狀

前人

右件官稟性端方臨事果毅有清介之節擅文華之名
操心不回居約可久臣去年有狀已具薦論累月在京
未蒙獎擢儻置之諫署或授以憲官視一作迹其為人必

能稱職輒再具論奏伏望天恩俯賜裁酌謹奏

薦前澧州刺史崔雲狀

右伏以前件官業尚儒學才通吏事言行無玷終始可觀有古人歲寒之心得君子時中之道所歷五郡去皆見思或在危疑之中能全名節或當徵發之際不擾疲人自理澧陽課績尤異得賦歛變通之法置郵館供待之資創立隄防修繕城洫事必可久政皆有經臣任忝宣風諳其履行若在郡無此實効豈敢輒有薦論伏望

聖恩特加獎擢

薦觀察判官陸暢請章服狀

右件官植性謹和蒞事周敏詞賦中第篇什成名應物而精力有餘處煩而變通靡滯所委公事按牘雖一作甚

多巨細無遺部斷尤速領刑獄之重人自不寃頒廉察之條法皆可久準勅文使下檢校官凡至五品便得賜紺今陸暢前任秘書丞已是登朝五品即頗與格文相當又職事脩舉合當甄獎臣先已有狀未蒙允許今輒

敢再具論奏伏望天恩特賜章服

文苑英華卷六百三十九